

威同貴州軍事史

第三編

(上一)

咸同貴州軍事史

貴陽 凌惕安 編著

第三編 苗族之運動上

第七十三章 生苗之役

台拱廳苗起

咸豐五年

乙卯

一八五五

春三月十五日台拱廳苗起逕攻廳城署同知

張禮度護參將王友林等禦之苗分黨合清江廳苗入朗洞城大掠去朗洞兵故七百餘名參將守備等十餘員開泰縣丞駐焉自楊龍善起兵外調存者少護參將清廉率兵巷戰苗旋退去 十八日台

派員調查

拱苗分陷稿貢汛城并結黃平州苗攻巖門汛城汛為控扼生苗要地二十一日苗進攻州城略及蘆州署知州楊承照署都司高殿選等禦之提督趙萬春及丹江營參將閃雲適過境同擊苗退 二十
六日苗陷清江白索汛德阜堡巡撫蔣爾遠檄平越州知州邵鴻儒及署古州廳同知彭汝璋署龍里縣知府陳毓書赴台拱同署鎮遠府知府吳登甲查起事情情形分別剿撫以貴東道承齡赴任督辦凡

苗疆將弁營兵外調者悉今歸伍 夏五月候補知府韓超同邵鴻儒至台拱彭汝瑋陳毓書至巖門吳登甲駐勝秉時苗甫變良懦者本無他志頑者亦有畏心皆求撫官吏既或挾威索賄無厭漢民又以剿苗民爲快惟恐撫局成謬謂官軍將乘解散盡誅於是黠苗及漢民無賴思逞者廣布其言相扇而苗變益衆山丙革夷凱塘凱哨苗實首倡山丙革夷故盜數地險遠保禾高禾弟兄及九松等皆首魁前黎平府知府胡林翼屢搜剿禽保禾殺之高禾等卒未獲春初卽思動蔣霽遠先檄清平縣知縣秦鎮藩查辦甫至凱塘遽云苗已盡滅比事亟遂不敢以聞苗連陷凱里縣丞屬之排養汎及威遠永甯樂郊懷恩各堡丹江廳屬空裨汎頂冠汎及震威培壩連城各堡頂冠汎外委蔣大春死之凱里都司盛修志率兵至巖門會同汝瑋毓書等防守 六月初三日苗陷巖門汎城署古州廳同知彭汝瑋署龍里縣知縣清鎮知縣陳毓書署威甯鎮游擊凱里營都司盛修志黃施衛千總邢連科本汎把總唐定魁署銅仁把總周國順土司

巖門汎之陷
彭汝瑋陳
毓書慘死

苗勢大張殺
戮極慘毒

何化隆等死之連科子舉人士義及定魁全家皆殉施秉武舉鎮遠
守備何其英率練援來俱沒丹江屬黃茅烏疊各汛肇泰長豐永定
望豐撫遠各堡台拱屬德豐覃膏回圍松茂干城施洞各堡黃平蠻
重安驛皆先後陷嚴門失而黃平危施洞失而鎮遠危重安失而
道塞苗勢大張殺戮尤極慘毒所至石土皆赤迫脅良苗相率變於
是承齡同署撫標中軍參將圖塔納赴清平會辦 十五日苗攻丹
江廳城署通判嚴錫珍署參將烏爾滾珠等禦之越日走陷雞講汛
通鎮遠府吳登甲回防苗復趨黃平施秉各汛逕薄城黃平千總柴
雲恩禦之五里橋陣沒署施秉知縣劉玉麟等禦却之未幾復攻台
拱廳城韓超張禮度都勻協都司貢運升會擊始退 秋七月苗圍
丹江急外委傅燦運敗沒昂德寨承齡遣興義府經歷黃鳳署鎮遠
都司守備王定臣率兵千三百名自清平往援遇敵凱里不進 韓
超張禮度等數敗苗革東汛苗陷邛水梁山汛 二十七日苗攻鎮
遠鼓樓平代理鎮遠鎮署游擊余瑞麟棄營遁署思南守備黃朝珍

嚴錫珍痛
哭陳詞

丹江廳之禍
嚴錫珍等
同殉

力戰中三十餘傷同兵丁三百餘人皆沒候選照磨胡秉元生員陸作礪等率思州團練禦苗施秉全棚陣沒 八月初四日生員秦召南等擊苗邛水戰沒邛水扼苗疆吭鎮遠縣丞駐焉施秉新城汛亦據苗衝屢困苗附汛半里涼傘屯苗營尤逼松桃協守備馬連科署守備計占泰先後援至苗稍解去承齡乃檄連科等疏通黃施驛路初六日出汛城數里遇苗平南坳千總左廷奉劉世舉把總甘一本外委曾元惠姚啓鴻生員饒鎮雄武生龍德職員李大貴及兵丁百餘人戰沒連科受傷脫回軍械盡失汛城仍被圍 九月初丹江久困嚴錫珍烏爾滾珠乞援略曰自台拱苗賊圍城時丹屬被脅良苗屢具稟擲入請催援兵連至即反戈攻賊乃催稟百上一卒無援度苗失望遣卒從賊賊知城中糧絕藥鉛都盡愈攻不息兩月來陣亡官兵百餘餓死男婦數百草根樹皮剝食殆盡子餘之衆骨立羸色守既無力逃亦無路十三日苗遂陷丹江廳城署通判龍里知縣嚴錫珍署參將普安營游擊烏爾滾珠守備計維富衛千總周開廣

邵鴻儒陳
剿苗情形

等皆死之民死數千得脫走凱里者僅十餘人苗時圍新城汛多署把總李瀛屢戰被創苗掠婦女城下舁之瀛憤極嘔血裹傷出戰兵練從之殺苗百餘力竭沒於陣新城兵民饑疲所恃者瀛瀛沒四日至十五日新城陷松桃協守備馬連科署千總涂文舉把總蔣國興廖友榮天柱把總吳大成彭緯璋外委郭亮疇楊士祥鄧昌才蕭士珍及汛兵三百五十名皆沒城民數千死略盡丹江新城既先後陷苗勢愈張連日敗代理清江通判余宗惇於烏包塘敗署柳霽縣丞沈世瀛於柳寨塘廩生羅瀛等百餘人皆沒署台拱同知邵鴻儒陳剿苗情形略曰議者欲先清驛路然賊巢在兩凱革夷山兩大小江驛路特餘黨耳兵至則散兵過仍聚不若台城近几股黑苗窟穴地險爲賊所必爭台拱失則五廳皆撼卽克復亦難爲全局計進剿必自台始五月以來大小十數戰而糧匱兵譁不得已分練領餉鎮遠不得轉又赴省迄今四十餘日練亦無耗進剿則存練過單且缺餉八十餘日饑寒交迫誰能用命待餉候練困處台城及至練回

驛道絕

下江廳之陷

得餉無幾前支後空又將復起僕僕道路安能剿賊請速調兵二千撥餉二萬責成韓超統帶進剿饒不掣肘軍威自壯再請檄飭鎮遠施秉凱里一律兜剿以分賊勢蔣霽遠以固省垣驛路爲重斥鴻儒請兵餉過多不計 十八日苗據平越鷄場清平驛道絕 冬十月二十七日下江生苗起陷下江廳城代理通判張淑度護游擊陳源遁是時古州東南水陸三路俱梗僅王嶺忠誠二堡可達黎平黎平府知府多文旋率軍回廳城益孤 十二月承齡圖塔納等自清平退駐平越遇苗鷄場貢陽營額外周世熊敗沒苗勢益盛時黃鳳王定臣猶阻凱里以逗遛褫職凱里苗方亟城中兵疲食盡卒得承齡檄令鳳定臣移軍香鑪山汛二十五日鳳等行至龍頭河無舟涉水渡天大雨雪火器盡濕爲苗邀敗奔至汛汛爲鄉團保拒不納圖奔清平至氣洞河苗圍殲之黃鳳王定臣及署貴陽營千總顧士均外委方學林張連舉等兵練千三百人皆沒饑民從逃者死亡滿道苗盡得鳳等巨礮火箭諸利器並急攻凱里初城中斂金製器械以守

鎮遠府縣
之稟陳

鳳等攜去民阻之不得乃悉資苗既而上江協千總黎朝勳等脫二
清平出承齡檄相質始知其偽或云苗爲之或又云鳳等圖脫危自
爲之 吳登甲及署鎮遠知縣張淮欲請兵其稟略曰下游之事萌
芽於苗破壞於教都勻教與苗合銅仁教與苗分分易治而合難攻
大抵教匪桀黠嘗陰結悍苗爲外援苗賊陰狡則附和教匪以牽制
若分兵千餘間道趨鎮或進駐施洞口各苗恐大兵將犂其穴必回
自顧則教匪勢孤不難卽滅革夷兩凱苗賊所掠財物皆藏本寨現
同教匪在清平與官軍相持此其明驗肅遠不審以登甲等株守不
出嚴斥之

咸豐六年

一八五六
丙辰

春正月古州鎮總兵桂林以多文苛斂經費激

變永從貫洞苗民參將慶瑞燒掠古州寨蒿苗寨殺良苗二千餘苗
變並亟咨告蔣肅遠 二月十八日苗衆襲古州梯城上桂林力擊

圍台拱久

衆退 時苗圍台拱久軍食垂罄韓超與丁憂卸署同知知縣張禮
度上江協都司賈連升自廳城突圍走勝秉苗圍之五岔十餘日不

得進苗攻台拱並急良苗有不從者發其墓邵鴻儒署參將富忠等
嬰城守鎮遠鎮總兵楊啓賢自鎮遠來援敗苗塘頭哨苗攻勝秉署
守備姜兆麟出禦啓賢軍適至苗退 二十日起等自五岔突圍走

黃鼓屯

鼓一作虎

苗復圍之啓賢自勝秉再往救内外力戰禮度及上江

協把總劉鄭勝外委許恩貴都勻協把總李定忠外委吳華奇王治
興貴陽營把總唐萬賓外委游起貴永安協把協劉大鈺候選縣丞
王泰臨從九陽餘齡等陣沒兵練同沒者二百餘人禮度母妻及家
口二十餘皆被害超連升等得脫同啓賢至勝秉連升中傷 二十
二日啓賢回鎮遠遇苗府南過風坳亦被創外委楊正元陣沒 夏
四月吳登甲自鎮遠以楊啓賢餉米百石濟勝秉沿途轉戰傷亡甚
衆韓超及四川參將蔣玉龍皆先後至鎮遠 二十七日生員孫元
勳陣沒舊州月亮洞 五月古州方急會清台苗練數百爲廣西巡
撫撤回道下江苗衆悉招致爲首者稱龍大王據三保與齋首余老
科等分扼古州並困

詳見第三
十二章

二十九日下江苗陷永從縣城代

凱里被圍
經年

理知縣蕭廣守備段兆錫等遁苗旋退去 秋七月初四日苗陷勝
秉城縣丞鄧文熾署守備姜兆麟署把總李興發等死之事初起兆
麟等以汛地難守乃率兵民入勝秉舊縣城與文熾等同守被困年
餘飢疲不能禦士紳兵民死者甚衆初鎮遠廩生金甌捐資募勇助
守新城新城陷甌家八十餘人皆沒甌及從子廷鏐等五人脫至勝
秉至是并沒蔣玉龍韓超時駐鎮遠老城與苗相持不能救玉龍旋
退保府城顧饒道分軍扼毛平思南坡兩路口諸隘超移軍援邛水
未幾苗攻尹坡鎮遠都司鄧春榮棄營遁把總計起鳳陣沒苗至衛
城西門松溪口吳登甲楊啓賢等却之 凱里被圍經年縣丞陶文
量代理都司張書年等率存城兵民嬰城守待援訖不至告急書皆
阻不達秦鎮藩自三月卽陳清凱兩城情形略曰清平糧雖盡猶可
掠取附近苗寨雜糧并采野菜嫩草荀延凱里則草根木葉皆已食
盡日有餓死未死者輒攫死者以爲食初九日苗遂入凱里城文量
春年皆死之其飢餓垂盡得脫走清平者僅數人 二十九日苗陷

施秉縣之陷
劉玉麟楊
春發同殉

清江廳之陷
余宗悖等
同殉

施秉縣城署知縣印江知縣劉玉麟教諭楊春發訓導馮含輝前署
訓導章道純外委翁國成偏橋土司安德寬等皆死之王麟子金鑑
甥黃某道純妻鄧子永鑑子婦司德寬母妻同沒貢生鄧玉虹宋定
甲廩生朱正儒王懋官生員朱正舉宋復壽宋復萬朱大松宋紹謙
宋明揚監生劉世澤蔣大品武生宋乾貞等并沒千總李經棟外委
朱錫光道勝秉凱里古州施秉與台拱清江黃平柳霽各城皆被圍
久未陷者兵疲食盡亦岌岌不支 八月清平苗刈禾城外上江協
千總黎朝勳出擊敗沒復陷香鑪山汛外委王占魁死之香鑪山形
圓若鑪累三成頂闕於腰四面陡削惟一綫可上廣三十餘里中有
沃田可居數萬人苗疆稱險要汛失縣境並危 十三日苗陷清江
廳城代理通判府經歷余宗悖署副將都勻游擊傅權死之署都司
撫標守備郭鵬彪署守備張延祚千總李春元左森祥把總胡占元
楊光藻周飛熊伍國祥外委張通文楊昌祥潘繼華張金並李學進
高本元李廷榮楊勝璋羅清臣王經張宗秀劉萬里雲騎尉楊茂基

兵民得脫
者僅數人

台拱廳之陷

邵鴻儒等
之殉

川軍來援

梁建勲恩騎尉梁建邦土千總王中興楊承權楊勝德土把總李志
廣楊開泰等同沒掌柳州書院附貢生田金諧幕友俞正杰張敬齋
周熙堂職貢周之珏等遇害兵民得脫走柳霽者僅數人 二十六
日苗陷台拱廳城署同知直隸州邵鴻儒署參將威甯鎮游擊富忠
把總劉勝邦外委趙國安等皆死之富忠二子數女殉新疆六廳台
拱圍最先鴻儒富忠守禦力故後失 苗略鎮遠文德關蔣玉龍楊
啓賢等却之時署四川總督樂斌再遣參將鍾琦率川兵千人來援
蔣霸遠令隨玉龍防剿鎮遠 雲貴總督恆春因雲南回警旋奉上
諭度滇黔兩省情形先其所急覆奏以都勻古州等處相繼失陷現
咨四川督臣調屯兵千名來黔協剿並咨湖南撫臣就近救援黎平
提臣孝順忠勇絕倫實心報效臣已咨其遇有緊急調遣毋庸往返
札商以免耽延並飭知帶兵各文武一體遵照滇省回賊應懇恩施
飭調川兵二千名來滇協剿臣綜核大勢黔省苗教各賊支黨太多
此擊彼竄滇省回賊獷悍而譎兩省同一饟絀兵單其緊急情形無

黃平州之陷
楊承照等
之殉

清平縣之陷
秦鎮藩等
之殉

孝順督辦
全省軍務

可軒輕臣才識庸闇辦理一省尚拮据債事倘蒙天恩棄瑕錄用如
臣督辦黔省請簡專員督剿滇回如命臣督剿滇回請簡專員督辦
黔省查自黔至滇由六百里發行緊急公文道路梗阻繞越行走非
踰十日不能到一切機宜實有不能兼顧之勢九月初一日苗衆
乘夜大雨登麻哈城提督孝順麻哈州知州何銓等擊出之十一

日苗陷黃平州城署知州候補知縣楊承照署都司都勻守備雲騎
尉高殿選學正鄧福照等死之承照妻王子恆錫殉在籍都司劉朝
勇恩騎尉王世榮龍應貴松桃把總石明發等同沒將霸遠亟商恆
春以雲南曲靖守備張文標同安順守備張福震扼阿舊州舊州距
黃平三十餘里爲平甕屏蔽有小徑可通省冬十月初十日陷清

平縣城署知縣秦鎮藩典史李安圻等死之廣西貢生王文炳遇害
上諭恆春等督兵剿辦調度無方實難辭咎恆春蔣霽遠均着革
職留任速飭在事文武將失陷城池次第收復倘再延玩必從重治
罪旋又令曰孝順素有勇略著卽督辦全省軍務所有川滇兵及本

宋稷辰之
建言

省兵練悉歸調度在事文武統歸節制 貞豐高寨毗歸化羅斛苗
嘯聚爲害蔣霸遠檄貞豐州知州蔣時純歸化通判曹煥羅斛同知
徐達邦等會剿歸化羅斛兵練未至時純遣其子補用知州立炳會
長壩營署守備保定邦先進至由義寨失利傷亡甚衆 二十九日
苗衆陷朗洞城署守備劉世勳署千總趙坤把總馮際龍署把總向
士林朱達清等死之卸署參將定廣協都司清廉遇害代辦參將戴
國楨道 新授四川北鎮總兵蔣玉龍代辦鎮遠鎮楊啓賢等敗
苗鎮遠鋸子山楊柳衝復同吳登甲遣生員張文舉毀都甫寨 十
一月初五日苗衆陷黎平錦屏鄉城代理縣丞陳槐道千總何龍章
不知何往 蔣玉龍敗苗衆鎮遠鎮雄關湧溪把總劉光愷陣沒兩
路口 上諭據御史宗稷辰奏黔楚道梗通政使嚴正基係嚴如煜
之子熟悉苗情請飭該員回湖南簡率鄉兵土勇出偏橋進剿並飭
四川兵與湖南兵密約夾攻等語嚴正基雖熟悉苗疆形勢但年力
漸衰未必卽能得力所請令其管帶兵勇之處着毋庸議至黔楚大

路宜扼偏橋其徑路如鴉喇關等處溪河直通麻哈八寨并三廳五寨皆有山路可通宜用前明朱燮元五道并進之法與今日形勢是否相合貴州兵力單薄自應川楚合剿以期迅速歲功著吳振械恆春蔣霸遠駱秉璋按照該御史所奏體察形勢相機進剿如果川楚兩路各出奇兵分攻腹背再以黔省主兵與客兵并力殲除則辦理當易得手總宜不分畛域悉心籌畫欽此後辰奏略曰臣少時在湖南粗悉傳鼎平苗大略及見淑浦嚴如煜苗防備覽與所謂平苗策知當時苗亂獲平由統兵大臣能採擇良苗任用賢吏先收其類以翦其羽翼復計其守以杜其出沒然後屯練熟礮堡成節節搜捕而湖南肇亂之苗不留根株貴州繼起之苗易除萌枿惟施於黔境功力較淺是以銅仁松桃近有復叛之勢而鎮筸究遵約束罕有叛苗其銅松等處毗接鎮筸向化地方見鎮筸不能扇動卽已解散彼時如黔撫得人能發兵聯絡楚軍必不至偏橋今施秉縣卽偏橋衛以北久阻要衝偏橋以南久爲賊據至如今日之披猖也臣聞貴州撫臣本少斷

制當叛苗初起有獻策先破其要害可令首尾截斷無致蔓延奈不
聽從浸至並熾愈驕愈不可制迨督臣恆春前往督辦觀其歷陳形
勢眉目一清似覺有馴伏之機顧何以偏橋依然未通文報驛騎由
蜀道紆回繞行臣伏查湖南大路固阻偏橋其徑路可入者如鴉喇
關在鳳凰廳西北四十五里毗銅松按所指陳多據方輿紀要今昔情形不同地勢亦太偏遠通思州靖州會同
通道可達黎平五開溪河始今直達麻哈八寨以及三廳五寨處處清江
皆有山路通黔若用明臣朱燮元五道并進之法何難兜剿旁擊直
搗巢穴雖湖南爲四省邊防力有不暇然黔旣不能自振滇亦被回
賊分據無望其援救比鄰舍氣勢稍壯之湖南不資其助而又誰望
臣素悉澂浦嚴氏諳悉邊情苗疆有事累經出力而嚴如煜爲優貢
時卽能殫城捍難聯羣老以得苗中情僞獻策戎帷所著苗防一書
灼見無遺算時論以立功推傳立言推嚴實今日所當師法者嚴如
煜之子通政使臣嚴正基平日習聞庭教於要料制勝之要擇險守
隘之方多所傳授近年在粵西管糧於軍務頗有贊助方今召躋九

列尙未衰顏若用以盪寇誠慮精力不能充周至征苗之役用此生
長其鄉練達老成之人簡率鄉兵士勇一鼓而出偏橋必能行乃父
之庭訓收傅鼎之遺烈似於今日西南大局甚有裨益再臣攷水西
紀略備載朱燮元督師由蜀入黔進兵復畢節赤水及平越四衛遂
渡偏橋可見蜀境憑險居高下臨黔省有建瓴之勢若得該省勇幹
大員率制勝之兵勇分道進剿與湖南密相訂期大舉合攻總以必
取偏橋為主腦一有蜀兵援應則楚兵何憂深入孤危以楚攻其腹
以蜀攻其背黔地文武見四面皆有救兵亦足壯其膽氣從此羣苗
震懾邊域不難底定 十二月初九日戴國楨仍還朗洞朗洞營守
備汪澤霖等以國楨通敵告

苗圖鎮遠

咸豐七年

丁巳一八五七

春正月初六日苗出湧溪圖鎮遠吳登甲蔣玉

龍楊啓賢楊淮等分禦之鎮遠南毘勝秉清台西接施秉東抵邛水
皆苗出沒與兵練爲進退焦溪兩路口稱要隘祇制兵三百人扼守
邛水苗略至黃泥岡署青谿知縣陳岳霖會川軍擊走之 施秉苗